

四庫全書

經部

欽定四庫全書

經部

五禮通考卷一百二十九

詳校官太常寺少卿臣陳桂森

給事中臣溫常綬廣勛

總校官進士臣繆琪

校對官中書臣孫球

謄錄監生臣張永漸

欽定四庫全書

五禮通考卷一百一十九

刑部尚書秦蕙田撰

嘉禮二

即位改元

宋書武帝本紀永初元年六月丁卯設壇南郊即皇帝
位柴燎告天策曰皇帝臣裕敢用玄牡昭告皇天后帝
晉帝以卜世告終歷數有歸欽若景運以命于裕夫樹

君司民天下為公德充帝王樂推攸集越俟唐虞降暨
漢魏靡不以上哲格文祖元勲陟帝位故能大拯黔黎
垂訓無窮晉自東遷四維不振宰輔憑依為日久難
棘隆安禍成元興遂至帝王遷播宗祀湮滅裕雖地非
齊晉衆無一旅仰憤時難俯悼橫流投袂一援則皇祚
尅復及危而能持顛而能扶姦宄具殲僭偽必滅誠興
廢有期否終有數至於大造晉室撥亂濟民因藉時來
實尸其重加以殊俗慕義重譯來庭正朔所暨咸服聲

教乃至三靈垂象山川告祥人神協祉歲月茲著是以
羣公卿士億兆夷人僉曰皇靈降鑒於上晉朝欵誠于
下天命不可以久淹宸極不可以暫曠遂逼羣議恭茲
大禮猥以寡德託於兆民之上雖仰畏天威畧是小節
顧深永懷祇懼若實敬簡元辰升壇受禪告類上帝用
酬萬國之情克隆天保永祚于有宋惟明靈是饗禮畢
備法駕幸建康宮臨太極前殿詔赦天下

紀元表庚申宋武帝永初元年

三
是年西秦乞伏熾
磐建弘元西涼李歆弟

恂永建元三年武
帝崩太子義符立

癸亥少帝景平元年

北魏太武二年

帝始光元年在位
二年弟義隆立

乙丑文帝元嘉元年

三十夏赫連勃勃

子昌承光元五年北魏神嘉元西泰乞伏熾磐子暮
末永洪元夏赫連昌弟定勝光元北涼沮渠蒙遜承元

元八年沮渠蒙遜義和元北燕馮跋弟弘太興元一
九年北魏延和元十年沮渠蒙遜于牧健永和元

作承光二十二年北魏太延元十七年北魏太平真
君元二十八年北魏正平元十九年二月北魏

太武帝崩南安王余立改元永平冬十月皇孫濬立是
為文成帝改元興安三十年宋元凶劼太初元帝

在位三十年子
駿立改元一
甲午孝武帝孝建元年
三魏興光元北

二年北魏
太安元
丁酉大明元年
八帝在位八年太子子業立

尋廢文帝子
湘東王彧立

乙巳廢帝永光元年八月改為景和元

年十一月明帝立改為泰始元年

七年 帝崩太子弘立是為

獻文帝

二年北魏獻文帝天安元

三年北魏皇興

帝在位七年改元一太

癸丑後廢帝元徽元年

子在位五年改元一明

丁巳順帝昇明元年

北魏太和

元 帝在位三年封蕭道成

右宋

齊書高帝紀建元元年夏四月甲午上即皇帝位於南

郊設壇柴燎告天曰皇帝臣道成敢用玄牡昭告皇皇
后帝宋陟鑒乾序欽若明命以命于道成夫肇自生民
樹以司牧所以闡極則天開元創物肆茲大道天下惟
公命不于常昔在虞夏受終上代粵自漢魏揖讓中葉
咸炳諸典謨載在方冊宋德既微仍世多故實賴道成
匡拯之功以宏濟于厥艱大造顛墜再構區宇宣禮明
刑締仁緝義畧緯凝象川岳表靈誕惟天人罔弗和會
乃仰協歸運景屬與能用集大命于茲辭德匪嗣至于

累仍而羣公卿士庶尹御事爰及黎獻至于百戎僉曰
皇天眷命不可以固違人神無託不可以曠主畏天之
威敢不祗從鴻歷敬簡元辰虔奉皇符升壇受禪告類
上帝以永答民衷式敷萬國惟明靈是饗

紀元表己未南齊高帝建元元年

四 在位四年改元一太子賾立

癸亥武帝永明元年

十一 在位十一年改元一太孫昭業立後廢為鬱林王

甲

戊鬱林王隆昌元年七月弟昭文立改為延興元年十
月高帝從子西昌侯立是為明帝改為建武元年

四 戊

寅永泰元年

一帝在位四年太子實卷立後廢為東昏侯

齊書禮志永泰元年有司議應廟見不尚書令徐孝
嗣議嗣君即位並無廟見之文蕃支纂業乃有虔謁
之禮左丞蕭琛議竊聞祇見厥祖義著商書朝于武
宮事光晉冊豈有正位居尊繼業承天而不虔覲祖
宗格于太室毛詩周頌篇曰烈文成王即政諸侯助
祭也鄭注云新王即政必以朝享之禮祭於祖考告
嗣位也又篇曰閔予小子嗣王朝廟也鄭注云嗣王

者謂成王也除武王之喪將始即政朝于廟也則隆
周令典煥炳經記體嫡居正莫若成王又二漢由太
子而嗣位者西京七主東都四帝其昭成哀和順五
君並皆謁廟文存漢史其惠景武明章六君前史不
載謁事或是偶有闕文理無異說議者乃云先在儲
宮已經致敬卒哭之後即親奉時祭則是廟見故無
別謁之禮竊以為不然儲后在宮亦從郊祀若謂前
度可兼後敬開元之始則無假復有配天之祭矣若

以親奉時祭仍為廟見者自漢及晉支庶嗣位並皆
謁廟既同有烝嘗何為獨修繁禮且晉成帝咸和元
年改號以謁廟咸康元年加元服又更謁夫時非異
主猶不疑二禮相因况位隔君臣而反以一謁兼敬
宜遠纂周漢之盛範近黜晉宋之乖義展誠一廟駿
奔萬國奏可

梁書蕭琛傳東昏初嗣立時議以無廟見之典琛議
據周頌烈文閔予皆為即位朝廟之典于是從之

紀元表己卯東昏侯永元元年

三年是年北魏孝文帝崩太子恪立是為宣武

帝

二年北魏宣武帝景明元年明帝于南康王寶融即位

于江陵

辛巳和帝中

興元年

二梁王禪位封帝為巴陵王

右南齊

梁書武帝紀天監元年夏四月丙寅高祖即位於南郊

設壇柴燎告類于天曰皇帝臣衍敢用玄牡昭告于皇

天后帝齊氏以歷運斯既否終則亨欽若天應以命于

衍夫任是司牧惟能是授天命不于常帝王非一族唐

謝虞受漢替魏升爰及晉宋憲章在昔咸以君德馭四海元功子萬姓故能大庇氓黎光宅區宇齊代云季世主昏凶狡焉羣慝是崇是長肆厥姦回暴亂以播虐于我有邦俾溥天惴惴將墜于深壑九服八荒之內連率岳牧之君蹶角頓顙匡救無術卧薪待然援天靡訴衍投袂星言摧鋒萬里厲其掛冠之情用拯兆民之切銜膽誓衆覆銳屠堅建立人主克翦昏亂遂因時來宰司邦國濟民康世實有厥勞而畧緯呈祥川岳効祉朝夕

垌牧日月郊畿代終之符既顯革運之期已萃殊俗百
蠻重譯獻款人神遠邇罔不和會于是羣公卿士咸致
厥誠並以皇乾降命難以謙拒齊帝脫屣萬邦授以神
器衍自惟匪德辭不獲許仰迫上玄之睠俯惟億兆之
心宸極不可久曠民神不可乏主遂藉樂推膺此嘉祚
以茲寡薄臨御萬方願求夙志永言祗惕敬簡元辰恭
茲大禮升壇受禪告類上帝克播休祉以弘盛烈式傳
厥後用永保于我有梁惟明靈是饗

范雲傳高祖受禪柴燎于南郊雲以侍中參秉禮畢

高祖升輦謂雲曰朕之今日所謂凜乎若朽索之馭

六馬雲對曰亦願陛下日慎一日

紀元表壬午梁高祖武帝天監元年

十八年北魏正始元年

州主簿呂苟兒反號建明元涇州陳瞻聖明元僭稱王
七年北魏永平元魏京兆王愉僭稱帝號建平元

十一年北魏延昌元十五年北魏孝
明帝熙平元十七年北魏神龜元
庚子普通元年

七 是年北魏正光元五年沃野鎮人破落汗拔陵
反號真王元秦州城人莫折念生大建元僭稱天子

六年北魏孝昌元徐州刺史元法僧天啟元僭稱宋王
柔元鎮人杜洛州反于上谷號真王元山胡劉蠡斤神

嘉元僭丁未大通元年二是年永州刺史蕭實寅反
稱天子

反于西華號天授元二年北魏武泰元二月孝明帝
崩胡太后立臨洮王世子釗是為幼主太后臨朝稱制

夏四月余朱世隆立長樂王子攸是為孝莊帝改元建
義九月改為永安元河間邢果反于青州號天統元

魏北海王顥為己酉中大通元年六是年北海王顥
魏王號孝基元建武元二年北魏

余朱世隆與余朱兆立長廣王曇改為建明元年三
年北魏余朱世隆更立廣陵王恭改元普泰後廢十

月高歡立渤海太守朗于信都改元中興後廢四年
北魏前廢帝普泰二年後廢帝中興二年夏四月高歡

廢其主恭及朗立平陽王修是為出帝改元太昌十二
月改元永興以同太宗號復改為永熙元六年北魏

出帝入關高歡奉清河王亶于善見即乙卯大同元年
位於洛陽是為東魏孝靜帝改元天平

十一 是年北魏宇文泰立南陽王寶炬於關西是為
西魏文帝改元大統鄯陽鮮于琛反號上願元二年

汾胡王迨觸二龍號平都元四年東魏元象
元五年東魏興和元九年東魏武定元 丙寅中

大同元年 丁卯太清元年 三年侯景立臨賀王
正德為帝號正平元 帝

在位四十八年改 庚午簡文帝大寶元年 三年
元七太子綱立 湘東王繹

起兵討侯景稱太清四年 北齊文宣帝天保元 二
年侯景廢簡文帝立豫章王棟改元天正十月景篡位

自立改為太始元西魏太子欽立是為廢帝 三年湘
東王緝太清六年夏四月平侯景十一月即位於江陵

是為元年改元承聖武陵王紀稱帝 壬申元帝承聖
於成都號天正元 西魏廢帝元

元年 三年十一月西魏陷江陵元帝被執遇害王
僧辨陳霸先奉元帝子晉安王方智承制是為敬

帝西魏廢帝三年為宇文泰所廢子齊王
廓立是為恭帝元 在位三年改元一

乙亥敬帝

紹泰元年

一 是年二月即皇帝位於潯陽王僧辨立
貞陽王淵明于建康改元大成 梁王蕭譽

稱帝于江陵是為
後梁建元大定

丙子太平元年

二 二年九月封陳
霸先為陳公冬十月

進爵為王敬帝禪位于陳陳封帝
為江陰王 在位三年改元二

右梁

陳書高祖本紀永定元年冬十月乙亥高祖即皇帝位
于南郊柴燎告天曰皇帝臣霸先敢用玄牡昭告於皇
皇后帝梁氏以圯剝荐臻歷運有極欽若天應以命霸

先夫肇有烝民乃樹司牧選賢與能未常厥姓放勲重
華之世咸無意於受終當塗典午之君雖有心于揖讓
皆以英才處萬乘高勲御四海故能大庇黔首光宅區
縣有梁末運仍葉邁屯獯醜憑陵久移神器承聖在外
非能祀夏天未悔禍復罹寇逆嫡嗣廢黜宗枝僭詐天
地蕩覆紀綱泯絕霸先爰初授袂大拯橫流重舉義兵
實哉多難廢王立帝實有厥功安國定社用盡其力是
謂小康方期大道既而煙雲表色日月呈祥緯聚東井

龍見譙邦除舊布新既彰玄象遷虞事夏且協謳歌九
域八荒同布衷欵百神羣祀皆有誠願梁帝高謝萬邦
授以大寶霸先自惟菲薄讓德不嗣至於再三辭弗獲
許僉以百姓須主萬機難曠皇靈眷命非可謙拒畏天
之威用膺嘉祚永言夙志能無慙德敬簡元辰升壇受
禪告類上帝用答民心永保于我有陳惟明靈是饗

紀元表丁丑陳高祖武帝永定元年

三 是年西魏封
宇文覺為周公禪

位北周孝閔帝元正月即位尋廢于寧都公毓立是為
明帝元 二年梁丞相王琳奉永嘉王蕭莊稱帝於江

州改為天啟元三年北齊文宣帝崩太子殷立後廢
北周武成元始稱皇帝在位三年改元一兄子臨川

王椿
立
庚辰文帝天嘉元年六
元常山王演廢其主殷為

濟陰王自立為孝昭帝改元為皇建北周廢帝弟魯國
公邕立是為武帝二年北齊孝昭帝崩弟長廣王湛

立是為武成帝改元為太寧北周武帝保定元三年
北齊河清元後梁蕭啓于歸天保元六年北齊武成

帝禪位于太子緯是
為後主改元為天統
丙戌天康元年一
和元是年北周天

年改元二太子
伯宗立後廢
丁亥廢帝光大元年二
王頊廢帝為臨

海王自立
帝在
己丑宣帝太建元年十四
北齊武平元

帝
四年北周建德元八年北齊隆化元齊人立文襄
帝于安德王延宗于晉陽改元德昌尋被執于周九

年北齊後主禪位于太子恒是為幼主改為承光元被

執于周十年北周宣政元武帝崩太子弒立是為宣

帝十一年北周宣帝天成年二月改為大象元禪

位于太子衍是為靜帝十二年北周宣帝崩十二月

封楊堅為隋王十三年北周靜帝大定元年春正月

禪位于隋隋封帝為介國公隋文帝開皇元十四年

宣帝崩太子叔寶立一癸卯後主至德元年四

帝在位十三年改元一長城公在位七年改元二

蕭巋子琮丁未禎明元年三三年後主降隋隋封為

廣運元右陳

隋書高祖本紀開皇元年二月甲子上自相府常服入

宮備禮即皇帝位于臨光殿設壇于南郊遣使柴燎告

次定四事全書

五禮通考

十二

天大赦改元

禮儀志周大定元年靜帝遣兼太傅上柱國杞國公椿
大宗伯大將軍金城公熒奉皇帝璽綬策書禪位于隋
司錄虞慶則白請設壇于東第博士何妥議以為受禪
登壇以告天也故魏受漢禪設壇于繁昌為在行旅郊
壇乃闕至如漢高在汜光武在鄩盡非京邑所築壇自
晉宋揖讓皆在都下莫不並就南郊更無別築之義又
後魏即位登朱雀觀周帝初立受朝于路門雖自我作

紀元表辛丑隋高祖文帝開皇元年^{十二}辛酉仁壽元年

紀元表辛丑隋高祖文帝開皇元年

十二辛酉仁壽元年

四
在位二十四年
帝崩太子廣立

在位四年帝崩太子廣立

乙丑煬帝大業元年

十三

年杜伏威起兵掠江淮扶風向海明白鳥元僭稱帝
十年延安劉迦論善世元僭稱皇王十二年鄴陽操

十年杜伏威起兵掠江淮扶風向海明白鳥元僭稱帝
十年延安劉迦論善世元僭稱皇王十二年鄴陽

操

天
十三年恭帝侑立遙尊煬帝為太上皇改元義寧封大

天
成
始
興
元
僭
稱
元
興
王
楚
林
士
弘
太
平
元
僭
稱
帝
十
三
年
恭
帝
侑
立
遙
尊
煬
帝
為
太
上
皇
改
元
義
寧
封

大

丞相李淵為唐王夏竇建德丁丑元偕稱長樂王魏李
密永平元偕稱公劉武周天興元號定揚可汗梁師都

丞相李淵為唐王夏竇建德丁丑元
密永平元偕稱公劉武周天興元號
定揚可汗梁師魏

都李

永隆元
元偕稱
帝西泰
薛舉泰
興元
偕稱永
樂王梁
蕭銳鳴
鳳元

永隆元
元僭稱
帝西秦
薛舉秦
興元僭
稱帝桂
陽曹武
徹

通鳴

聖元在位十三年改元一

元在位十
年改元一

丁丑恭帝義寧元年

二
二
二
二
月

宇文及弒場

帝于江都立恭王浩尋弒之自稱帝國號許改元天壽
五月恭帝侑禪位于唐王王世充立恭帝侗改元皇泰

右隋

唐書高祖本紀武德元年五月甲子即皇帝位于太極
殿命蕭造兼太尉告於南郊大赦改元

紀元表戊寅唐高祖武德元年

九是年夏竇建德五
鳳元偕稱王燕高開道

始興元偕稱王涼李軌安樂元偕稱帝楚朱粲昌達元
偕稱帝懷戎浮屠法輪元偕稱大業皇帝在位九年

禪位于太子
世民改元一

唐書太宗本紀武德九年以太宗為皇太子八月甲子

即皇帝位于東宮顯德殿遣裴寂告于南郊

紀元表丁亥太宗貞觀元年

二十三年太宗在位二十三年太宗立改元一

唐書高宗本紀貞觀十七年立為皇太子二十三年太宗有疾詔皇太子聽政于金液門四月從幸翠微宮太宗崩以羽檄發六府甲士四千衛太子入于京師六月甲戌即皇帝位于柩前

紀元表庚戌高宗永徽元年

六丙辰顯慶元年五辛酉

龍朔元年

三甲子麟德元年

二丙寅乾封元年二戊辰

總章元年^二 庚午咸亨元年^四 甲戌上元元年^二 丙子

儀鳳元年^三 己卯調露元年^一 庚辰永隆元年^一 辛巳

開耀元年^一 壬午永淳元年^一 癸未弘道元年^一 在位^三 帝

十四年太子顯 甲申中宗嗣聖元年^{二十一} 是年

為廬陵王立豫王旦為皇帝是為睿宗改元文明武后
臨朝稱制夏四月遷帝于房州又遷于均州九月武后

改元光宅 二年武后垂拱元 六年武后永昌元
七年武后載初元九月改元天授武后自稱皇帝改國

號周以睿宗為太子賜姓武氏 九年武后如意元九
月改元長壽 十一年武后延載元 十二年武后證

聖元九月改元天冊萬歲 十三年武后萬歲登封元
三月改元萬歲通天 十四年武后神功元 十五年

武后聖歷元九月武后復以帝為太子還東都賜姓武氏以睿宗為相王十七年武后久視元十八年武

后大足元十乙巳神龍元年二日唐神龍本武后年號中月改元長安

宗復位丁未景龍元年四四年六月韋后弒中宗于因之

元睿宗即皇帝位廢重茂復為溫王改元在位五年改元三庚戌睿宗景雲元年

二壬子太極元年一一是年五月改為延和元八月睿宗禪位于太子隆基改元先天在

位二年
改元四

唐書玄宗本紀睿宗即位立為皇太子景雲二年監國

延和元年星官言帝座前星有變睿宗曰傳德避灾吾

意決矣七月壬辰制皇太子宜即皇帝位太子惶懼入請睿宗曰此吾所以答天戒也皇太子乃御武德殿八月庚子即皇帝位十月庚子享于太廟大赦

通鑑太平公主使術者言于上曰帝座前星皆有變皇太子當為天子上曰傳德避灾吾志決矣太子聞之馳入見自投于地叩頭請曰臣以微功不次為嗣懼弗克堪未審陛下遽以大位傳之何也上曰社稷所以再安吾之所以得天下皆汝力也今帝座有災

故以授汝轉禍為福汝何疑耶太子固辭上曰汝為
孝子何必待柩前然後即位耶太子流涕而出壬辰
制傳位于太子太子上表固辭太平公主勸上雖傳
位猶宜自總大政上乃謂太子曰朕雖傳位豈忘家
國其軍國大事當兼省之八月庚子即皇帝位尊睿
宗為太上皇

紀元表癸丑玄宗開元元年

二十九
藝仁安元

七年渤海王武
十六年渤海

王欽茂
大興元

壬午天寶元年

十五

三年正月改年曰載
十五載帝幸蜀太子亨即位

靈武尊帝為上皇天帝改元安祿山反僭稱帝
國號燕改為聖武元 在位四十四年改元二

唐書肅宗本紀天寶十五載玄宗避賊行至馬嵬父老
遮道請留太子討賊玄宗許之遣壽王瑁及內侍高力
士諭太子太子乃還七月辛酉至于靈武壬戌裴冕等
請皇太子即皇帝位甲子即皇帝位于靈武尊皇帝曰
上皇天帝大赦改元至德

紀元表丙申肅宗至德元載

三二載春正月安祿山
為子慶緒所殺慶緒即偽

位改元載初十月又改為天和元載十
二月上皇還京師 三年改載曰年

戊戌乾元元年

二 二年史思明應天元殺安慶緒夏
四月更國號曰大燕改元順天僭稱帝
庚子上元元年

二 二年去上元號稱元年史思明為
子朝義所殺朝義即偽位改元顯聖
壬寅寶應元年

一 是年帝崩太子豫
立 在位七年改元四
癸卯代宗廣德元年 二 是
年吐蕃

入寇帝幸陝州郭子
儀復京師帝還京
乙巳永泰元年 一 丙子大歷元年

十四 十四年南詔異年尋貝龍元後又
改上元 在位十八年改元三太子適立
庚申德宗

建中元年 四 四年冬十月涇原兵亂帝
幸奉天朱泚應天元僭稱秦帝
甲子興元元年

年 一 是年李懷光反帝幸梁州李晟等收復京師帝
還京李希烈應天元僭稱帝朱泚天皇元更號漢

乙丑貞元元年 二十一 十二年初渤海王欽茂卒子
宏臨早死族弟元義立一歲國人殺之

宏臨子華嶼立改元中興華嶼卒欽茂少子萬臨
立改元正歷在位二十六年改元三太子誦立

唐書順宗本紀貞元二十一年正月癸巳德宗崩丙申
即皇帝位于太極殿二月癸卯朝羣臣于紫宸門永
貞元年八月庚子立皇太子為皇帝自稱曰太上皇辛
丑改元降死罪以下

憲田案順宗以德宗崩年即位本不改元至
八月內禪乃改為永貞元年與蜀後主晉惠
帝之改元有別

紀元表乙酉順宗永貞元年

位是年正月立八月禪

元 丙戌憲宗元和元年

十五首長執宜為陰山兵馬使為

後唐之始南詔王尋閣勸應道元

八年渤海王言義朱

崔元 十一南詔王勸利全義元

十三年初渤海

王言義卒弟明忠立改元太始一歲卒從父仁季立改

元建興至是遣使入朝告哀詔以仁秀嗣

渤海王 在位十五年太子恒立改元一

辛丑穆宗

長慶元年

元 四年 三年南詔王豐祐保和元後又改

乙

已敬宗寶歷元年

元 二年 在位二年為宦官劉克

明所弒弟江王昂立改元一

丁未

文宗太和元年

元 九年 四年渤海

王彝震咸和元

丙辰開成元年

年太弟瀝
立改元二

辛酉武宗會昌元年

六 在位六年太
叔愔立改元一

丁卯宣宗大中元年

十三 在位十三年南詔王酋龍建極
元 在位十三年子鄧王灌立改

一元

庚辰懿宗咸通元年

十四 在位十四年
子普王儼立改元一

甲午

僖宗乾符元年

六 二年黃巢作亂
五年黃巢正霸元

庚子廣明元年

是年黃巢陷長安帝幸興
元黃巢金統元僭稱齊帝

辛丑中和元年

四 是年帝
幸成都

年賊將朱溫降以為河中招討使賜名全忠
為後梁之始 三年李克用破黃巢復長安

乙巳光啟

元年

三 是年三月帝還京十二月蒲晉郊寧四鎮構
兵帝幸鳳翔泰宗權稱帝一年南詔王驃信舜化

中興元 二年帝幸興元郊寧朱玫以肅
宗元孫襄王煚監國尋稱帝改元建貞

戊申文德元

年 一 是年僖宗還京 在位十年 太弟傑立 改元五 己酉 昭宗龍紀元年 一

庚戌 大順元年 二 蜀王建鎮蜀 二年前 壬子 景福元年 二 吳楊行密

鎮淮南 二年 吳越 甲寅 乾寧元年 四 鎮犯闕 帝幸石門

鎮李克用 以車駕還京 三年 李茂貞犯闕 帝幸華州

閩王潮 節度威武軍 楚馬殷 節度湖南 四年 閩王潮

弟審知 節度威武軍 戊午 光化元年 三 是年 帝還京 三年 宦

辛酉 天復元年 三 是年 春正月 帝復位 黜太子裕 為

漢劉隱 節度清海 甲子 天祐元年 四 祝立 是為 昭宣帝 二年 昭

宣帝仍稱 天祐 吳楊行密 卒于渥立 四年 昭宣帝 禪

元改

右唐

五代史梁本紀太祖開平元年夏四月壬戌更名晁甲子皇帝即位戊辰大赦改元國號梁

紀元表丁卯後梁太祖開平元年

四律德即皇帝位太祖耶

元年晉王李克用岐王李茂貞吳楊渥俱稱唐天祐四年前蜀王建稱唐天復七年吳越錢鏐據杭州閩王審知據閩南平高季興節度荆南楚馬殷據湖南南漢劉隱據嶺南二年前蜀王建武成元僭稱帝吳越錢鏐天寶元通鑑綱目吳越至唐明宗天成元年改元寶正十國春秋吳越在梁開平二年已稱天寶後改寶大尋

又改寶正三年晉王李存勗吳庚午乾化元年是年

楊渥弟隆演俱稱唐天祐六年

前蜀王建永平元年南漢劉隱庶弟襲節度清海燕劉守光應天元二年于均王友貞立是為末帝三年末帝仍稱乾化晉王李存勗吳楊隆演岐李茂貞俱稱唐天祐十年在位六年為其子郢王友珪所弒改元二

甲戌末帝貞明元年

王建通正元三年前蜀王建

天漢元改國號漢南漢劉龔乾亨元僭稱帝國號越四年前蜀王建光天元復國號蜀南漢劉龔改國號漢

五年吳楊隆演武義元僭稱吳王前蜀王建于衍乾德元辛巳龍德元年三年吳楊

隆演于溥順義元二年遼天贊元吳越錢鏐始建國稱王三年晉王存勗伐梁末帝自殺

右後梁

五代史唐本紀莊宗同光元年夏四月己巳皇帝即位

大赦改元國號唐

紀元表癸未後唐莊宗同光元年

四年前蜀王衍咸康元降唐南漢劉

龔白龍元南平高季興封南平王後蜀孟知祥節度西川閩王審知長子延翰偕稱王國號閩吳越錢鏐王寶

正元四年莊宗被弑于郭從謙養子嗣源立改元一

五代史唐本紀明宗天成元年四月丁亥莊宗崩己丑

入洛陽甲午監國朝羣臣于興聖宮丙午始奠於西宮

皇帝即位于柩前易斬綰以袞冕甲寅大赦改元

徐氏無黨曰曰始莫見其緩也自己丑入洛至此二十日矣樞前即位嗣君之禮也反逆之臣自立而用嗣君之禮書從其實而不變文者蓋先已書反正其罪矣此書其實者見其猶有自愧之心而欲逃大惡之名也

紀元表丙戌明宗天成元年

仍稱天顯二年遼太宗德光立

本紀天贊二年五月改元天顯七月太祖崩太宗本紀天顯二年十一月即位有司請改元不許據此則太宗未改太祖天顯年號故天顯有十五年而五代契丹附錄德光立三年改元天顯計在唐明宗天成元年通鑑載契丹改元天顯又在天成二年彼此互異今從遼史吳楊溥乾貞元僭稱帝閏王審知次子鱗弒延翰自立楚馬殷封楚國王三年南漢劉龔大有元南庚寅長平高季興長子從誨立四年吳楊溥太和元

興元年

四聲立

是年後蜀孟知祥據西川楚馬殷次子希

王鱗龍啟元僭稱帝國號閩吳越錢鏐長

子元璿立

在位八年子從厚立改元二

甲午閔帝

應順元年潞王從珂清泰元年

三明德元閏五月僭稱帝

國號蜀六月子昶立仍稱明德二年吳楊溥天祚元

閏王鱗永和元

三年石敬瑭陷洛陽帝自焚死契丹

立敬瑭為帝在位三年改元一

右後唐

五代史晉本紀高祖天福元年十一月丁酉皇帝即位

國號晉己亥大赦改元

紀元表丙申晉高祖天福元年

元八年
元纂吳僭稱帝國號

齊唐三年遼會同元後蜀孟昶廣政元南唐李昇改國號

龔長子玠光天元吳越錢元瓘長子佐立應乾又改元

李昇子璟保大元南漢劉龔次子晟改元應乾又改元

乾和閩王審知子延政天德元改國號殷在位
七年兄子齊王重貴立是為出帝仍稱天福八年甲

辰出帝開運元年
三年封劉知遠為北平王閩王
在位三年改元一
丹入冠帝被執
在位三年改元一

右後晉

紀元表丁未後漢高祖建國即位稱晉天福十二年戊

申改乾祐元年

元開運至此四年漢雖易代仍稱晉年

號舍開運而追稱天福為十二年是年六月以前仍稱晉六月始改國號漢是年遼大同元建國號曰遼太

宗崩永康王烏雲立是為世宗改元天祿楚馬希範同母弟希廣立二年吳越錢佐弟俶立南平高從誨第

三子保融立三位二年于周王承祐立是為隱帝仍稱乾祐二年以郭威為樞密使宋太祖趙匡胤應幕居

帳下三年郭威廢帝自立
楚馬希範殺其弟希廣自立

五代史漢本紀贊嗚呼人君即位稱元年常事爾古

不以為重也孔子未修春秋其前固已如此雖暴君

昏主妄庸之史其記事先後遠近莫不以歲月一二

數之乃理之自然也其謂一為元亦未嘗有法蓋古

人之語爾

古謂歲之一月亦不云一而曰正月國語言六呂曰元閏大呂周易列六爻曰初九

大抵古人言數多不言一不獨謂年為元也

及後世曲學之士始謂孔子

書元年為春秋大法遂以改元為重事自漢以後又

名年以建元而正偽紛雜稱號遂多不勝其紀也五

代亂世也其事無法而不合於理者多矣皆不足道

也至於年號乖錯以惑後世則不可以不明初梁太

祖以乾化二年遇弑明年末帝已誅友珪黜其鳳歷

之號復稱乾化三年尚爲有說至漢高祖建國黜晉
出帝開運四年復稱天福十二年者何哉蓋以其愛
憎之私爾方出帝時漢高祖居太原嘗憤憤下視晉
而晉亦陽優禮之幸而未見其隙及契丹滅晉漢未
嘗有赴難之意出帝已北遷方陽以兵聲言追之至
土門而還及其即位改元而黜開運之號則其用心
可知矣蓋其于出帝無復君臣之義而幸禍以爲利
者其素志也可勝歎哉夫所謂有諸中必形于外者

其見於是乎

蕙田案歐陽氏論後漢黜開運之號是矣以稱元為未嘗有法未敢信也

右後漢

五代史周本紀太祖廣順元年春正月丁卯皇帝即位
大赦改元國號周

紀元表辛亥周太祖廣順元年

四 是年遼世宗崩太宗子壽安王舒嘯立是

為穆宗改元應歷楚馬殷世子希崇立一月為南唐所滅北漢劉昫借稱帝仍稱乾祐四年 在位四年改元

一養子
榮立

五代史周本紀周世宗顯德元年正月丙申皇帝即位

於樞前

紀元表甲寅世宗顯德元年

七是年北漢劉昫子鈞仍稱乾祐八年四年北

漢劉鈞大會元五年南漢劉晟長子鋹大寶元南唐李璟中興元又改元交泰盡去帝號奉周正朔六年

世宗崩于梁王宗訓立是為恭帝不改元七年恭帝禪位于殿前都檢點趙匡胤宋封帝為鄭王

徐氏無黨曰五代亂世以嗣君即位者五而改元不

依古者四梁末帝晉出帝即位踰年宜改元而不改

又明年然後改漢隱帝周恭帝皆仍稱先帝年號終其世不改書其實自見其失也

右後周

宋史太祖本紀周顯德七年春軍士宣言策點檢為天子羅拜呼萬歲擁宰相范質等至降階列拜翰林承旨陶穀出周恭帝禪位制書于袖中宣徽使引太祖就庭北面拜受已乃掖太祖升崇元殿服袞冕即皇帝位建隆元年春正月乙巳大赦改元定有天下之號曰宋已

酉遣官祭告天地社稷

文獻通考告天地社稷羣祀祝文曰維大宋建隆元年
歲次庚申正月辛丑朔某日嗣天子臣匡胤謹遣某官
某敢昭告于昊天上帝皇地祇天命不常惟德是輔神
器大寶猥集眇躬欽眷命而不遑勵小心而昭事靈貺
下屬羣情樂推今月四日己即皇帝位改國號為大宋
乃改建隆元年不敢不告尚享又遣宗正少卿郭祀以
即位告周高祖世宗廟

紀元表庚申宋太祖建隆元年

三年卒弟保勗立二年南

唐李璟子煜立

三年南平

癸亥乾德元年

五年南平高繼

冲入宋國除

三年

戊辰開寶元年

九年鈞養子繼恩立二年

月為供奉官侯霸所殺劉繼元立改元廣運二年南

漢劉鋹降于宋

九年太祖崩弟晉

丙子太宗太平

興國元年

八年繼元降于宋

三年吳越錢俶降于宋

四年北漢劉

是為聖宗

八年遼聖宗

甲申雍熙元年

四年李

王西夏之

戊子端拱元年

二年

是年命李繼捧鎮

庚寅

禍始此

夏州賜姓名趙保忠

五禮通考

主

淳化元年

五二年李繼遷降賜姓名

乙未至道元年

三年太宗崩在位二十二年改元五太子恒立

戊戌真宗咸平元年

六年

夏趙保吉死于德明嗣

甲辰景德元年

四戊申大中祥符元年九

五年遼丁巳天禧元年

五五年遼太平元

壬戌乾興元年

一年

真宗崩在位二十六年改元五太子受益立

癸亥仁宗天聖元年

九年遼聖

宗崩太子宗真立是為興宗改元景福

壬申明道元年

二年夏趙德明死子

元昊嗣避父諱稱顯道元甲戌景祐元年

四年開運是年夏趙元昊反改元

年夏趙元昊大慶元戊寅寶元年

二年授禮法是年夏趙元昊改元天

更名庚辰康定元年 辛巳慶歷元年 八年 吳為夏國王

八年夏 曩霄子諒 祚延嗣寧國元 己丑皇祐元年 五年 祐垂聖元 二年夏 諒祚天

諒祚福聖 承道元 甲午至和元年 二年 基立是為道宗 改元為清寧

丙申嘉祐元年 八年 改元 九年 太宗曾孫宗實立 甲辰

英宗治平元年 四年 是年夏 諒祚拱化元 二年 遼咸

太子 項立 戊申神宗熙寧元年 十年 是年夏 秉常乾道元

法交趾李日尊自稱帝 國號大越 改元寶象 又改元神 武 三年夏 秉常天賜禮盛國慶元 八年 遼太康元

夏秉常 大安元 戊午元豐元年 十八年 遼大安元 在位

丙寅哲宗元祐元年

八年是年夏秉常天安禮定元二年夏秉常于乾順天儀治平元

六年夏乾順天祐民安元

甲戌紹聖元年

四年是年章惇蔡京等用事二年遼壽隆元

戊寅元符元年

三年夏乾順永安元三年哲宗崩在位十五年改元三弟端王信立

辛巳徽宗建中靖國元年

一年是年遼道宗崩孫燕王延禧立是為天祚帝

改元乾統

壬午崇寧元年

五年夏乾順貞觀元

丁亥大觀元年

四年

卯政和元年

七年是年遼天慶元渤海高永昌僭號稱隆基元四年金太祖稱帝元年七年

金天輔元

戊戌重和元年

一年己亥宣和元年

七年夏乾順元德元三年

年遼保大元四年遼保大二年金克中京天祚帝奔雲中三月燕京留守李處溫等立秦晉王淳為帝遙廢

天祚帝為湘陰王建元建福六月遼主淳祖蕭幹等迎
立泰王定為帝蕭后稱制改元德興十二月金克燕京
蕭后奔天德五年遼天祚帝奔夏都統蕭迪里等立
帝第二子梁王雅里為帝改元神歷冬十月天祚帝復
渡河東還雅里殂蕭迪里等復立聖宗孫珠拉為帝十
一月珠拉為亂兵所害知北院樞密事奚和哩布自稱
為奚帝改元天復都統蕭幹自稱為奚帝改元天嗣金
太祖崩弟晟立是為太宗改元天會六年耶律達實
稱帝于奇爾瑪勒是為西遼改元延慶七年遼天祚帝
為金所執遼亡在位二十五年改元六傳位于太子
桓

丙午欽宗靖康元年

二國元

是年西遼耶律達實康
二年徽宗欽宗北狩

康王構即位于
南京是為高宗

宋史欽宗本紀宣和七年十二月徽宗詔皇太子嗣位

趣太子入禁中被以御服涕泣固辭因得疾又固辭不許辛酉即皇帝位御垂拱殿見羣臣改元

高宗本紀建炎元年至應天府皇后手書告中外俾帝嗣統詔有司備法駕儀仗羣臣勸進命有司築壇府門之左五月庚寅帝登壇受命禮畢慟哭遙謝二帝即位于府治改元建炎

通考高宗建炎元年五月一日登極告於昊天上帝冊文曰維靖康二年歲次丁未五月庚寅朔嗣天子臣構

敢昭告于昊天上帝金戎亂華二帝北狩天支戚屬混
於穹居宗社固所憑依夷夏罔知攸主臣構以道君皇
帝之子奉宸旨以總六師握大元帥之權唱義旅而先
諸將冀清京邑迎復兩宮而百辟卿士萬邦黎獻謂人
思宋德天眷趙宗宜以神器屬臣構辭之再四懼不克
負荷貽羞於來世九州四海萬口一辭咸曰不可稽皇
天之寶命慄慄震惕敢不欽承尚祈陰相以中興于宋
祚

紀元表丁未高宗建炎元年

四年是年帝幸揚州二年夏乾順正德元三年

帝幸杭州苗傅劉正彥作亂立皇子尊改元明受四月傅正彥伏誅帝復位還越州辛亥紹興元

年三十二是年金立劉豫為齊帝改元阜昌二年帝還臨安五年徽宗崩于金五國城金太宗崩太

祖孫宣立是為熙宗六年夏乾順大德元西遼感天皇后蕭氏稱制改元咸清八年帝定都臨安金天眷

元十三年夏乾順于仁孝大慶元十一年金皇統元十三年西遼遼寶于伊立紹興元十四年夏仁孝

人慶元十八年夏仁孝大盛元十九年金熙宗崩遼王宗幹于亮立後廢改元天德二十三年金貞元

元遷都于燕二十五年西遼承天太后富僧額稱制改元崇福二十六年欽宗崩于金金正隆元三十

一年金曹國公雅即位于遼陽是為世宗改元大定廢帝被弒尋追廢為海陵庶人世宗入燕在位三十六

年內禪于太子
春 改元二

宋史孝宗本紀高宗久有禪位之意紹興三十二年五月乙亥內降御札皇太子可即皇帝位朕稱太上皇帝退處德壽宮丙子遣中使召帝入禁中面諭之帝又推遜不受即趨側殿門欲還東宮高宗勉諭再三乃止於是高宗出御紫宸殿輔臣奏事畢高宗還宮百官移班殿門外拜詔畢復入班殿庭頃之內侍掖帝至御榻前側立不坐內侍扶掖至七八乃略就坐宰相率百僚稱

賀帝遽興輔臣升殿固請帝愀然曰君父之命出于獨斷然此大位懼不敢當班退太上皇帝即駕之德壽宮帝服袍履步出祥曦殿門冒雨掖輦以行及宮門弗止上皇麾謝再三且令左右扶掖以還顧曰吾付託得人吾無憾矣左右皆呼萬歲

宋史禮志高宗內禪紹興三十二年六月十日御札皇太子可即皇帝位朕稱太上皇帝退處德壽宮一應軍國事並聽嗣君處分十一日行內禪禮有司設仗紫宸

殿宰臣文武百僚立班皇帝出宮鳴鞭禁衛諸班直親
從儀仗并內侍省執骨朶使臣等並迎駕自贊常起居
皇帝升御座知閣門官以下並內侍都知御帶以下一
班起居次管軍一班起居次宰執以下常起居訖左僕
射陳康伯知樞密院事葉義問參知政事汪澈同知樞
密院事黃祖舜升殿奏曰臣等不才輔政累年罪戾山
積乃蒙容貸不賜誅責今陛下超然獨斷高蹈堯舜之
舉臣等心實欽仰但自此不獲日望清光犬馬之情不

勝依戀因再拜辭相與泣下幾至號慟帝亦為之流涕
曰朕在位三十六年今老且病久欲閒退此事斷自朕
心非由臣下開陳卿等當悉力以輔嗣君康伯等復奏
曰皇太子仁聖天下所共知似聞謙遜太過未肯便御
正殿帝曰朕前此固嘗與之言早來禁中又面諭之即
步行徑趨側殿門欲還東宮已再三敦勉邀留今在殿
後矣宰執降階皇帝降坐鳴鞭還內宰臣文武百僚並
退立班聽宣詔訖再拜舞蹈三稱萬歲再拜訖班權退

復追班入請殿下立班少頃新皇帝服履袍涕泣出宮
禁衛諸班直親從儀仗等迎駕起居鳴鞭內侍扶掖皇
帝至御榻涕泣再三不坐內侍傳太上皇帝聖旨請皇
帝升御座皇帝升御座東側坐知閤門官以下一班起
居稱賀次管軍官一班起居稱賀次文武百僚橫行北
面立舍人當殿文武百僚宰臣陳康伯以下起居稱賀
皇帝降御座側身西向不坐後宰臣以下再拜舞蹈三
稱萬歲起居稱賀畢康伯等升殿奏臣等言願陛下即

御坐以正南面上副太上皇帝傳授之意帝愀然曰君父之命出于獨斷此大位懼不敢當尚容辭避康伯等再奏茲者伏遇皇帝陛下應天順人龍飛寶位第以駕下之材恐不足以仰輔新政然依乘風雲千載之遇實與四海蒼生不勝慶幸再拜賀畢奏事而退宰執下殿皇帝還內鳴鞭宰執文武百僚赴祥曦殿候太上皇帝登輦至德壽宮而退淳熙十六年孝宗內禪紹熙五年光宗內禪並如紹興二十三年故事

紀元表癸未孝宗隆興元二乙酉乾道元年九西遼四年伊立

子珠勒呼元禧元甲午淳熙元年十六金大定二十九年世宗十

崩太孫璟立是為章宗在位二十七年改元三禪位子太子淳

宋史光宗本紀淳熙十六年正月辛亥兩府奏事孝宗

諭以倦勤欲禪位皇太子退就休養以畢高宗三年之

制因令周必大進呈詔草二月壬戌孝宗吉服御紫宸

殿行內禪禮應奉官以次稱賀內侍固請帝坐帝固辭

內侍扶掖至七八乃微坐復興次丞相率百僚稱賀禮

畢樞密院官升殿奏事帝立聽班退孝宗反喪服御後
殿帝侍立尋登輦同詣重華宮帝還內

文獻通考淳熙十六年二月五日光宗即位以皇帝登
極奏告天地宗廟社稷景靈宮諸宮觀諸陵攢宮

紀元表庚戌光宗紹熙元年

五 是年金章宗明昌元
契丹德壽托精等據信州

反建元身聖 四年夏
仁孝子純祐天慶元

宋史光宗本紀紹熙五年壽皇聖帝崩七月甲子太皇
太后以皇帝疾未能執喪命皇子嘉王即皇帝位于重

華宮之素幄

寧宗本紀紹熙五年六月戊戌孝宗崩光宗以疾不能
出宰臣奏云皇太子嘉王仁孝夙成宜正儲位以安人
心從之擬旨以進御批云歷事歲久念欲退閑宰臣等
以禪位嘉王之意請於太皇太后太皇太后諭曰好為
之知樞密院事趙汝愚命殿帥郭杲夜分兵衛南北翌
日禪祭汝愚率百官詣大行柩前太皇太后垂簾汝愚
率同列再拜奏皇帝疾不能執喪乃奉御批八字以奏

太皇太后曰既有御筆卿當奉行汝愚曰內禪事重須議一指揮太皇太后允諾汝愚袖出所擬以進云皇帝以疾未能執喪曾有御筆欲自退閑皇子嘉王擴可即皇帝位尊皇帝為太上皇皇后為太上皇后太皇太后覽畢曰甚善汝愚出以旨諭帝帝固辭曰恐負不孝名汝愚曰天子當以安社稷定國家為孝今中外憂亂萬一變生置太上皇何地衆扶入素幄被黃袍方却立未坐汝愚率同列再拜帝詣几筵殿哭盡哀須臾立仗訖

催百官班帝衰服出就重華殿東廡素幄立內侍扶掖
乃坐百官起居訖乃入行禪祭禮詔建泰安宮以奉太
上皇太上皇后以即位告于天地宗廟社稷

蕙田案光宗內禪寧宗即位之禮與高宗內
禪儀稍別蓋因時制宜不得不爾當時宰臣
趙汝愚等不愧為大臣也

王圻續通考宋寧宗慶元元年吏部員外郎李謙言事
莫重于登極禮莫急于告廟蓋即位必告廟示敬親也

告廟必于歲首大其事也舜正月上日受終于文祖禹
正月朔旦受命于神宗皆行告廟之禮也然禮以變而
或殊事隨時而亦異有不可以一例觀者議禮之家各
持一說不致其辯禮意無自而明夫嘉禮之與凶禮不
可以並行舉一必廢一故在禮經喪三年不祭惟祭天
地社稷為越紼而行事蓋不敢以卑而廢尊也夫天地
以尊而不廢宗廟以親豈獨可廢乎況王制三年不祭
之說諸儒之論亦自不同杜預之說以為既祔以後宗

廟得四時常時祭蓋杜氏之意不以三年不祭宗廟為是也今姑置常祭之說而論即位踰年告廟之禮庶幾禮簡而易明虛言無證則論不定請質事以明之且太甲之元祀十有二月乙丑伊尹奉嗣王祇見厥祖百官猶總已以聽冢宰則是太甲居仲壬之喪而告廟也漢呂后以八年七月即世九月大臣迎立代王元年十月辛亥文帝即祚謁高廟即是文帝居呂后之喪而告廟也唐代宗以大歷十四年即世德宗建中元年正月庚

午朝享于太廟其後穆宗長慶之元年敬宗寶歷之元年武宗會昌之元年懿宗咸通之元年皆以正月朝享于太廟徧觀歷代之制雖小節不同大概居喪雖權住祭踰年正月必告于廟載諸經史可考而知漢昭宣元成哀平六世皆以即位謁廟不待踰年則失之逮唐太宗貞觀三年正月方事于太廟馬周得以為言則失之緩皆非禮之正也以歷代之事而求其當其惟踰年正月告廟乎恭惟陛下自登極以來已享帝矣大行梓宮

發引在即來年正月盍行告廟之禮禮官未見申明者
豈非以王制為據乎竊謂即位之後已曾謁廟國有大
故故可以未祭與居喪之後即位未經謁廟者事體不
同考歷代已行之事宜於來年正月一日陛下躬行告
廟之禮庶幾立一王之制示萬世之規乞下禮官指定
施行詔令禮部太常寺討論聞奏至是禮寺看詳乞俟
皇帝從吉日討論典禮施行從之

通考馬氏端臨曰國朝會要告禮門總序稱祖宗以

來登位則有告祭而所記累朝排年告祭之禮則惟
昌陵受禪創業思陵南京中興有之此後則惟孝宗
光宗寧宗登極有告祭之禮而太宗以下皆無之豈
軼其記耶或孝光寧三帝以受內禪故行之而累朝
以諒闇不克行耶又即位之後即親見于宗廟行饗
祀禮亦惟孝光二帝行之累朝則皆以諒闇闕其禮
云

紀元表乙卯寧宗慶元元年

六

辛酉嘉泰元年

四

年金泰

是

和元西遼末主珠勒呼為乙丑開禧元年三二年蒙
奈曼奇徹勒所擒西遼亡

穆津即皇帝位于鄂諾河是為元太祖戊辰嘉定元年古主却特持

十七是年金章宗崩衛王永濟立後廢二年金後
廢帝大安元三年夏安全皇建元四年夏安全族

子遵頊光定元五年金崇慶元六年金至寧元石
副元帥呼沙呼廢帝立昇王均是為宣宗改元貞祐耶

律瑠格自立為遼王改元元統八年張致據錦州反
僭稱漢興皇帝建元興隆遼東布希萬努反國號大

真建元天泰十年金興定元十五年金元光元
十六年金宣宗崩太子守緒立是為哀宗夏遵頊子德

旺乾定元十七年金哀宗正大元在位三
十一年史彌遠矯詔立沂王子貴誠更諱昀

宋史理宗本紀嘉定十七年閏八月丁酉寧宗崩于福

寧殿史彌遠入白楊皇后命于昀嗣皇帝位同聽政改
明年為寶慶元年

紀元表乙酉理宗寶慶元年

三年夏德旺弟昀立

所滅元戊子紹定元年

六監國一年是年元太祖第四子圖類

子諤格德依立是為太宗稱元年

五年金開興元四月又改元天興甲午端平元年

金哀宗傳位于宗室承麟宋會元兵滅

金哀宗自縊死承麟為亂兵所殺金亡丁酉嘉熙元年

四辛丑淳祐元年

十二制一年至五年是年元太宗崩后奈曼氏稱

庫裕克立是為定宗稱元年

八年元定宗崩皇后烏拉

海額實稱制一年至三年十一年元睿宗長子孟克

立是為憲
宗稱元年
癸丑寶祐元年
己未開慶元年
庚申景

定元年

五年
是年元睿宗第四子
和必賚立是為世祖
建元為中統元年
五年元至元年
入都于

燕在位四十一年
改元八太子禋立

乙丑度宗咸淳元年

十年
改元一子

瀛國公

乙亥恭帝德祐元年

二年
安以瀛國公北去
夏五

月弟益王昀即位
于福州改元景炎
在位二年改元一

丙子端宗景炎元年

二

是年十一月奔惠州
宗子衛王昺即位
改元

三年
益王昺于碶州度
在位三年改元一

戊寅

帝昺祥興元年

二年
土赴海
昺宋亡
在位二年改元一
左丞相陸秀夫負衛

右宋

紀元表己卯元世祖至元十六年

三十一
二十
十六
年
宋
新

會縣桂林芳趙良鈐等聚衆反國號平羅建元延康
三十一年崩在位三十五年改元二太孫特穆爾立

乙未成宗元貞元年二丁酉大德元年

十一
三年
改元
二
順

宗子懷寧
王哈尚立

戊申武宗至大元年

四
一第
在位
五年
改元
巴里巴

特刺
立

元史仁宗本紀至大四年三月庚寅即皇帝位四月戊

申以即位告天地於南郊戊午告於太廟

紀元表壬子仁宗皇慶元年二甲寅延祐元年

七
位
九年
在

改元二太子
碩迪巴拉立

元史英宗本紀延祐七年三月丙午有事於南郊告即

位四月庚戌有事於太廟告即位戊午祀社稷告即位

紀元表辛酉英宗至治元年

三 在位三年改元一顯宗子晉王伊蘇特穆爾立

甲子泰定帝泰定元年

四 戊辰致和元年

一 是年帝崩于上都

在位五年改元二皇太子喇實哥巴即位于上都改元天順武宗次子懷王圖卜特穆爾入京師九月即帝位

元史文宗本紀天歷元年十月辛卯有司言即位之始

當告祭郊廟社稷丁未告祭于南郊十一月壬申遣官

告祭社稷

紀元表戊辰文宗天歷元年

二年武宗長子周王和實拉稱帝于和寧之北

是為明宗立文宗為太子八月明宗崩未改元文宗復即位于上都

元史明宗本紀文宗天歷二年四月癸卯遣使如京師

卜日命中書左丞相特穆爾布哈攝告即位于郊廟社

稷五月壬午攝告南郊六月丁亥朔告於宗廟社稷

文宗本紀八月己亥帝復即位十月甲午以登極恭謝

遣官代祀於南郊社稷

紀元表庚午文宗至順元年

三崩改元二十五年三月

子廊王伊埒哲伯立是為寧宗十一月崩未改元

元史寧宗本紀至順三年十月庚子即位庚戌修郊祀法服乙卯以即位告祭南郊己未告祭太廟

紀元表癸酉順帝元統元年

二帝為明宗長子名托歡特穆爾是年六月即位

于上都十月始改元乙亥至元元年

六光卿反國號大金建元赤符

辛巳至正元年

二十八天完徐壽輝治平元儲稱帝

年周張士誠天祐元儲稱王十五年明太祖朱元璋起兵濠州宋韓林兒龍鳳元儲稱帝又號小明王

六年明太祖稱吳公一年二十年漢陳友諒弒徐壽輝僭稱帝國號漢改元大義三十三年夏明玉珍天

統元僭稱帝二十四年明太祖即吳王位漢陳友諒子理德壽元降吳二十七年明太祖稱吳元年平方

國珍張士誠夏明王珍子明昇開禧元二十八年閏七月明兵入通州順帝奔上都八月明兵入京城元亡

元史禮樂志皇帝即位受朝儀前期三日習儀于萬

安寺前二日陳設于殿上前一日設宣詔位于闕前至

期大昕侍儀使引導從護尉各服其服至皇太子寢閣

前捧牙牌跪報外辦內侍傳旨曰可侍儀使俛伏興皇

太子出閣侍儀使前導由崇天門入升大明殿引進使

引導從至皇太子妃閣前跪報外辦內侍出傳旨曰可
引進使俯伏興前導由鳳儀門入俟諸王以國禮扶皇
帝登寶位畢鳴鞭三尚引引點檢以下皆公服入就起

居位

起居贊拜如
元正朝儀

兩班點檢宣徽將軍宿直尚廐管旗

各供事俟后妃諸王駙馬以次賀獻禮畢參議中書省
事四人以篚奉詔書由殿左門入至御榻前參議中書
省事跪奏詔文俛伏興以詔授典瑞使押寶畢置于篚
對舉由正門出樂作至闕前以詔置於案文武百僚各

公服就位北面立侍儀使稱有制宣贊唱曰拜通贊贊
曰鞠躬曰拜曰興曰拜曰興曰平身曰班首稍前典引
引班首至香案前通贊贊曰跪曰在位官皆跪司香贊
曰搢笏通贊贊曰上香曰上香曰三上香曰出笏曰就
拜曰興曰復位宣贊唱曰拜通贊贊曰鞠躬曰拜曰興
曰拜曰興曰平身侍儀使以詔授左司郎中郎中跪受
同譯史稍西陞木榻東向宣讀通贊贊曰在位官皆跪
讀詔先以國語宣讀隨以漢語譯之讀畢降榻以詔授

侍儀使侍儀使置於案通贊贊曰就拜曰興曰拜曰興
曰拜曰興曰搢笏曰鞠躬曰三舞蹈曰跪左膝三叩頭
曰山呼曰山呼曰再山呼曰出笏曰就拜曰興曰拜曰
興曰拜曰興曰平立興引丞相以下皆公服入起居位
起居拜舞祝頌進酒獻表
賜宴並同元正受朝儀宴畢鳴鞭侍儀使導駕引進
使導后入寢殿如來儀次日以詔頒行

右元

明史太祖本紀至正二十七年十二月李善長帥百官

勸進表三上乃許甲子告于上帝洪武元年春正月乙亥祀天地于南郊即皇帝位建元洪武

明集禮洪武元年正月四日皇帝即位合祀天地祝文曰惟我中國人民之君自宋運告終帝命真人于沙漠入中國為天下主其君父子及孫百有餘年今運亦終其天下土地人民豪傑分爭惟臣帝賜英賢李善長徐達等為臣之輔遂戡定采石水寨曼濟哈雅方山陸寨陳額森袁州歐祥江州陳友諒潭州王忠信新淦鄧明

龍泉州彭時中荊州江珏濠梁孫德崖廬州左君弼安
豐劉福贛州熊天瑞辰州陳文貴永新周安萍鄉易華
平江王世明沅州李勝蘇州張士誠慶元方國珍沂州
王宣益都老保等處狂兵息民於田里今地周圍二萬
里廣諸臣下皆曰恐民無主必欲推尊帝號臣不敢辭
亦不敢不告上帝皇祇是用吳二年正月四日于鍾山
之陽設壇備儀昭告上帝皇祇簡在帝心尚享

明史禮志登極儀漢高帝即位汜水之陽其時縣叢之

禮未備魏晉以降多以受禪改號元世祖履尊既久一
統後但舉朝賀明興太祖以吳元年十二月將即位命
左相國李善長等具儀善長率禮官奏即位日先告祀
天地禮成即帝位於南郊丞相率百官以下及都民耆
老拜賀舞蹈呼萬歲者三具鹵簿導從詣太廟上追尊
四世冊寶告祀社稷還具袞冕御奉天殿百官上表賀
先期侍儀司設表案于丹墀內道之西北設丞相以下
拜位于內道東西每等異位重行北面捧表展表宣表

官位于表案西東向糾儀御史二人於表案南東西向宿衛鎮撫二人于東西陛下護衛百戶二十四人于其南稍後知班二人于文武官拜位北東西向通贊贊禮二人于知班北通贊西贊禮東引文武班四人于文武官拜位北稍後東西向引殿前班二人于引文武班南舉表案二人于引文武班北舉殿上表案二人西陛下東向丹陛上設殿前班指揮司官三人東向宣徽院官二人西向儀鸞司官于殿中門之左右護衛千戶八人

于殿東西門俱東西向鳴鞭四人于殿前班之南北向將軍六人于殿門左右天武將軍四人于殿上四隅俱東西向殿上尚寶司設寶案于正中侍儀司設表案于寶案南文武侍從兩班于殿上東西文起居注給事中殿中侍御史尚寶卿武懸刀指揮東西向受表官于文侍從班南西向內贊二人于受表官之南捲簾將軍二人于簾前俱東西向是日拱衛司陳鹵簿列甲士于午門外列旗仗設五輅于奉天門外侍儀舍人二舉表案

入鼓初嚴百官朝服立午門外通贊贊禮宿衛官諸侍衛及尚寶卿侍從官入鼓三嚴丞相以下入皇帝袞冕陞御座大樂鼓吹振作樂止將軍捲簾尚寶卿置寶于案拱衛司鳴鞭引班導百官入丹墀拜位初行樂作至位樂止知班贊班贊禮贊拜樂作四拜興樂止捧表以下官由殿西門入內贊贊進表捧表官跪捧受表官搢笏跪受置于案出笏興退立東向內贊贊宣表宣表官前搢笏跪展表官搢笏同跪宣訖展表官出笏以表復

於案俱退宣表官府伏興俱出殿西門復位贊禮贊拜
樂作四拜樂止播笏三舞蹈拱手加額呼萬歲者三出
笏俯伏興樂作四拜賀畢遂遣官冊拜皇后冊立皇太
子以即位詔告天下

紀元表戊申明太祖洪武元年

三十一年建元一太孫允炆立

己卯惠宗建文元年

靖難四年七月燕王棣起兵號

城惠宗遜位

在位四年改元一成祖即位

位辛建文年號萬歷二十三年復年號

明史成祖本紀建文四年六月丙寅諸王羣臣上表勸

進己巳王謁孝陵羣臣備法駕奉寶璽迎呼萬歲王升輦詣奉天殿即皇帝位七月壬午朔大祀天地于南郊詔今年以洪武三十五年為紀明年為永樂元年

紀元表癸未成祖永樂元年

二十二年 在位二十二年 改元一崩于榆木川太子

高熾立

明史仁宗本紀永樂二十二年八月丁巳即皇帝位

禮志成祖即位倉猝其儀不詳仁宗即位先期司設監陳御座於奉天門欽天監設定時鼓尚寶司設寶案教

坊司設中和韶樂設而不作是日早遣官告天地宗社
皇帝具孝服告几筵至時鳴鐘鼓設鹵簿皇帝衮冕御
奉天門百官朝服入午門鴻臚寺導執事官行禮請陞
御座皇帝由中門出陞座鳴鞭百官上表行禮頒詔俱
如儀宣宗以後儲宮嗣立者並同

紀元表乙巳仁宗洪熙元年

一 在位一年改元一太子瞻基立

丙午

宣宗宣德元年

十 在位十年改元一太子祁鎮立

丙辰英宗正統元

年

十四 七年慶元葉宗留反僭稱大王國號太平建元泰定十四年英宗北狩邸王祁鈺立

庚

午景帝景泰元年

七年代宗廢英宗復辟

丁丑英宗天順元

年

八年改元帝前後在位二十二年太子見深立

乙酉憲宗成化元年

二十

三

在位二十三年改元一太子祐橈立

戊申孝宗弘治元年

十八年在位十八年

改元

一太子厚照立

丙寅武宗正德元年

十六年在位十六年改元一興獻王長子

厚熜立

明史世宗本紀正德十六年丙寅武宗無嗣慈壽皇太

后與大學士楊廷和等定策以遺詔迎王于興邸四月

至京師止於郊外禮官具儀請如皇太子即位禮王顧

長史袁宗臯曰遺詔以我嗣皇帝位非皇子也大學士
楊廷和等請如禮臣所具儀由東安門入居文華殿擇
日登極不允會皇太后趣羣臣上箋勸進乃即郊外受
箋是日日中入自大明門遣官告宗廟社稷謁大行皇
帝几筵朝皇太后出御奉天殿即皇帝位以明年為嘉
靖元年

禮志正德十六年世宗入承大統先期造行殿于宣武
門外南向設帷幄御座備翼善冠服及鹵簿大駕以候

至期百官郊迎駕入行殿行四拜禮明日由大明門入
省詔草改年號素服詣大行几筵謁告畢設香案奉天
殿丹陛上皇帝袞冕行告天地禮詣奉先殿奉慈殿謁
告仍詣大行几筵慈壽皇太后莊肅皇后前各行禮遂
御華蓋殿百官朝服入傳旨免賀五拜三稽首鴻臚寺
官請陞殿帝由午門出御奉天殿鳴鞭贊拜頒詔如制
蕙田案明世宗登極時不允行皇子即位禮
其繼統不繼嗣之意已早決矣大禮之議所

由不可回也。惣芻輩特窺其隱而將順之耳。

紀元表壬午世宗嘉靖元年

四十五
改元一子裕王載堉立

丁卯穆宗隆慶元年

六
在位六年改元一太子翊鈞立

癸酉神宗

萬歷元年

四十八
在位四十八年八月改為泰昌元年九月崩皇長

子由
校立

辛酉熹宗天啟元年

七
在位七年光宗子信王由檢立

戊辰

莊烈帝崇禎元年

十六
在位十六年明亡

右明

五禮通考卷一百二十九

欽定四庫全書

五禮通考卷一百三十

刑部尚書秦蕙田撰

嘉禮三

上尊號

蕙田案尊號起於唐武后中宗之世始以即位繼以拜洛受圖後乃往往以符瑞行之元宗開元天寶以來殆數數矣然其儀不傳宋

每遇大禮羣臣輒上表請至於再三自太祖
太宗以還沿為故事宋史著其儀為嘉禮第
一至神宗哲宗乃毅然止之遼始於太祖厥
後相繼不絕金初猶舉之逮章宗堅却不受
其事乃罷元上尊號者五帝而已自明以來
蓋無聞焉今於即位儀後附及之

唐書則天后本紀光宅元年二月甲子皇帝率羣臣上
尊號於武成殿

通鑑太后御武成殿皇帝帥王公以下上尊號

蕙田案上尊號始此

垂拱四年五月乙亥加尊號為聖母神皇

通鑑武承嗣使鑿白石為文曰聖母臨人永昌帝業
末紫石雜藥物填之使雍州人唐同泰奉表獻之稱
獲之於洛水太后喜命其石曰寶圖擢同泰為遊擊

將軍五月戊辰詔當親拜洛受寶圖有事南郊告謝
昊天禮畢御明堂朝羣臣命諸州都督刺史及宗室

外戚以拜洛前十日集神都乙亥太后加尊號為聖
母神皇

天授元年九月改國號周大赦改元乙酉加尊號曰聖
神皇帝 二年九月乙未加號金輪聖神皇帝

延載元年五月甲午加越古金輪聖神皇帝

天冊萬歲元年正月辛巳加號慈氏越古金輪聖神皇
帝

久視元年五月癸巳大赦改元罷天冊金輪大聖號

蕙田案罷尊號始此

長安五年皇帝復於位丁未徙后於正陽宮戊申上后
號曰則天大聖皇帝

中宗本紀神龍元年十一月戊寅上尊號曰應天皇帝
皇后曰順天皇后

景龍元年八月丙戌上尊號曰應天神龍皇帝皇后曰
順天聖皇后

玄宗本紀開元元年十一月戊子羣臣上尊號曰開元

神武皇帝大赦改元 二十七年二月羣臣上尊號曰
開元聖文神武皇帝大赦免今歲稅賜文武官階爵版
通鑑羣臣請加尊號曰聖文二月己巳許之因赦天
下免百姓今年田租

天寶元年正月甲寅陳王府參軍田同秀言玄元皇帝
降於丹鳳門通衢二月丁亥羣臣上尊號曰開元天寶
聖文神武皇帝辛卯享玄元皇帝於新廟大赦

通鑑田同秀上言見玄元皇帝於丹鳳門之空中告

以我藏靈符在尹喜故宅上遣使於故函谷關尹喜
臺旁求得之壬辰羣臣上表以函谷靈符潛應年號
先天不違請於尊號加天寶字從之

十三載二月壬申朝獻太清宮加上元皇帝號曰大
聖祖高上大道金闕元天皇帝甲戌羣臣上尊號
曰開元天地大寶聖文神武證道孝德皇帝大赦

至德三載上號曰太上至道聖皇天帝

肅宗本紀乾元元年正月戊寅上皇天帝御宣政殿受

皇帝傳國受命寶符冊號曰光天文武大聖孝感皇帝
通鑑上皇御宣政殿受冊加上尊號上固辭大聖之
號上皇不許上尊上皇曰太上至道聖皇天帝

二年正月己巳羣臣上尊號曰乾元大聖光天文武孝
感皇帝

通鑑乾元二年二月壬子月食既先是百官請加皇
后尊號曰輔聖上以問中書舍人李揆對曰自古皇
后無尊號惟韋后有之豈足為法上驚曰庸人幾誤

我

上元二年九月壬寅大赦去乾元大聖光天文武孝感號

通鑑壬寅制去尊號但稱皇帝去年號但稱元年

代宗本紀廣德元年七月壬寅羣臣上尊號曰寶應元聖文武孝皇帝壬子大赦改元

通鑑注以楚州所獻十三寶為上登極之符應也

德宗本紀建中元年正月丁卯改元羣臣上尊號曰聖

神文武皇帝

興元元年正月癸酉大赦改元去聖神文武號

順宗本紀永貞元年八月庚子立皇太子為皇帝自稱
太上皇元和元年正月皇帝率羣臣上尊號曰應乾聖
壽太上皇

通鑑百官請上尊號曰文武大聖孝德皇帝上許上
上皇尊號而自辭不受

憲宗本紀元和三年正月癸巳羣臣上尊號曰睿聖文

武皇帝 十四年七月己丑羣臣上尊號曰元和聖文
神武法天應道皇帝大赦

穆宗本紀長慶元年七月壬子羣臣上尊號曰文武孝
德皇帝

敬宗本紀寶歷元年正月癸巳羣臣上尊號曰文武大
聖廣孝皇帝大赦賜文武官階勲爵

憲田案敬宗弟文宗在位十四年未上尊號
武宗本紀會昌二年四月丁亥羣臣上尊號曰仁聖文

武至神大孝皇帝大赦賜文武官階勲爵

宣宗本紀大中二年正月甲子羣臣上尊號曰聖敬文
思和武光孝皇帝大赦賜文武官階勲爵

懿宗本紀咸通三年正月庚午羣臣上尊號曰睿文明
聖孝德皇帝大赦 十一年正月甲寅羣臣上尊號曰
睿文英武明德至仁大聖廣孝皇帝大赦

僖宗本紀乾符元年十一月庚寅改元羣臣上尊號曰
聖神聰睿仁哲明孝皇帝

光啟元年五月羣臣上尊號曰至德光烈皇帝

昭宗本紀大順元年正月戊子羣臣上尊號曰聖文睿
德光武弘孝皇帝大赦改元

蕙田案上尊號自武后始後遂奉為故事唐
一代之君循行之其不行者一二帝而已

右唐

宋史太祖本紀乾德元年十一月甲子有事南郊大赦
改元百官奉玉冊上尊號曰應天廣運仁聖文武至德

皇帝

即建隆四年

宋史禮志尊號之典唐始載於禮官宋每大祀羣臣詣東上閣門拜表請上尊號或三上或五上多謙抑弗許如允所請即奏命大臣撰冊文及書冊寶其受冊多用祀禮畢日御正殿行禮禮畢有司以冊寶詣閣門奉進入內建隆四年羣臣三上表上尊號詔俟郊畢受冊前三日遣官奏告天地宗廟社稷遂為定制其儀有司宿設崇元殿仗衛文武百官並集朝堂之次攝太尉奉冊

於案吏部侍郎一員押司徒奉寶於案禮部侍郎一員
押以五品六品清資官充舉冊舉寶官皆承之以匣覆
之以帊俱詣殿門外之東太尉之前大樂令帥工人入
就位諸侍衛官及宰執兩制供奉等官立於殿階下香
案前左右如常入閣儀侍中奏中嚴外辦所司承旨索
扇扇上皇帝袞冕御輿出自西房樂作即御坐扇開樂
止符寶郎奉寶如常儀禮直官通事舍人分引太尉以
下文武羣官應北面位者各就橫行位太常卿於冊案

前導至丹墀西階上少東北面置訖太尉司徒吏部禮部侍郎各入本班立定典儀贊百官再拜舞蹈三稱萬歲又再拜起居訖又再拜分班序立禮直官引太常卿隨行吏部侍郎押冊案以次序行太尉從之禮部侍郎次押寶案行司徒從之詣西階至解劍褥位其讀冊中書令讀寶侍中候冊案將至先升於前楹間第一柱北對立太尉解劍脫舄訖吏部侍郎押冊案先升太尉從升當御坐前太尉播笏北面奉冊案稍前跪置訖俛伏

興少退東向立中書令進當冊案前讀冊訖俛伏興又
搢笏奉冊於褥東向冊函北向進跪置御坐前與舉冊
官降還侍立位太尉亦降納舄帶劍禮部侍郎押寶案
升司徒隨升北面跪置侍中讀寶訖置冊之南俱復位
其納舄帶劍俛伏一如上儀典儀贊在位官皆再拜禮
直官通事舍人引太尉至西階下解劍舄升當御坐前
跪賀其詞中書門下撰賀訖復位皆再拜如讀冊寶儀侍中升
至御坐前承旨退臨階西向稱有制典儀贊再拜訖宣

曰朕以鴻儀昭舉保命會昌迫於羣情祇膺顯號退循寡昧惕懼增深所賀知宣訖復位典儀贊再拜舞蹈三稱萬歲又再拜訖侍中升階奏禮畢降復位扇上樂作帝降坐御輿入自東房扇開樂止侍中版奏解嚴中書侍郎帥奉案官升殿跪奉冊置於案次門下侍郎奉寶如奉冊禮通事舍人贊引詣東上閣門狀進所司承旨放仗百官再拜訖退如常儀自後受冊皆如之禮畢賜百官食於朝堂

太祖本紀開寶元年十一月癸卯有事南郊改元開寶
宰相普等奉玉冊寶上尊號曰應天廣運大聖神武明
道至德仁孝皇帝

太宗本紀太平興國三年八月甲戌羣臣請上尊號曰
應運統天聖明文武皇帝十一月丙申祀天地於圜丘
大赦改元御乾元殿受尊號 六年冬十月癸酉羣臣
三奉表上尊號曰應運統天睿文英武大聖至明廣孝
皇帝十一月辛亥祀天地於圜丘大赦御乾元殿受尊

號内外文武加恩

雍熙元年九月壬戌羣臣表三上尊號曰應運統天睿
文英武大聖至仁明德廣孝皇帝不許宰相叩頭固請
終不許

蕙田案宋却尊號自太宗始也

端拱二年十二月庚申詔令四方所上表祇稱皇帝羣
臣請復尊號不許辛酉上法天崇道文武皇帝詔去文
武二字許之

淳化三年九月乙卯羣臣上尊號曰法天崇道明聖神
孝文武皇帝凡五表終不許

至道元年十二月甲戌羣臣奉表加上尊號曰法天崇
道上聖至仁皇帝凡五上不許

真宗本紀咸平二年八月乙卯羣臣上尊號曰崇文廣
武聖明仁孝皇帝十一月丙戌祀天地於圜丘御朝元
殿受尊號冊丁亥賜羣臣帶服鞍馬器幣有差

大中祥符元年六月天書再降於泰山醴泉北壬寅迎

天書於含芳園辛亥羣臣表上尊號曰崇文廣武儀天尊道寶應章感聖明仁孝皇帝十二月辛卯御乾元殿受尊號

蕙田案宋上尊號多在即位郊天之後是年十月封禪辛卯駕發京師十一月丁丑至自泰山奉天書還宮遂行受尊號之禮不關郊祀也

五年冬十月丙子羣臣上尊號曰崇文廣武感天尊道

應真佑德上聖欽明仁孝皇帝

天禧三年七月壬申羣臣上尊號曰體仁御極感天尊
道應真寶運文德武功上聖欽明仁孝皇帝十一月辛
未祀天地於圜丘大赦丁丑御天安殿受尊號

乾興元年正月改元二月大赦癸卯上尊號曰應天尊
道欽明仁孝皇帝

仁宗本紀天聖二年十二月丁酉祀天地於圜丘大赦
百官上尊號曰聖文睿武仁明孝德皇帝

明道二年二月丁未祀先農於東郊躬耕籍田大赦百官上尊號曰睿聖文武體天法道仁明孝德皇帝

惠由案耕籍成上尊號史所謂大禮後故事也

景祐二年十一月乙未祀天地於園丘上尊號曰景祐體天法道欽文聰武聖仁孝德皇帝四年十一月庚戌祀天地於園丘百官上尊號曰寶元體天法道欽文聰武聖仁孝德皇帝

皇祐二年三月戊子朔詔季秋有事於明堂己丑以大慶殿為明堂戊戌詔明堂禮成羣臣毋上尊號

蕙田案是年九月始大享明堂三月之詔蓋預止之也

嘉祐四年六月己巳羣臣請加尊號曰大仁至治表五上不許

英宗本紀治平二年七月己卯羣臣五上尊號不允四年春正月羣臣上尊號曰體乾膺歷文武聖孝皇帝

神宗本紀熙寧元年七月乙卯羣臣三表請上奉元憲道文武仁孝之號不許

禮志熙寧元年宰臣曾公亮等上表請加尊號詔不允先是翰林學士司馬光言尊號起唐武后中宗之世遂為故事先帝治平二年辭尊號不受天下莫不稱頌聖德其後佞臣建言國家與契丹常有往來書彼有尊號而中國獨無足為深恥於是羣臣復以非時上尊號論者甚為朝廷惜之今羣臣以故事上尊號臣愚以為陛

下聰明睿智雖宜享有鴻名然踐阼未久又在亮陰之
中考之事體似未宜受陛下誠能斷以聖意推而不居
仍令更不得上表請則頌嘆之聲將洋溢四海矣詔賜
光曰覽卿來奏深諒忠誠朕方以頻日淫雨甲申地震
天威彰著日虞傾禍被此鴻名有慙面目況在亮陰亦
難當是盛典今已批降指揮可善為答辭使中外知朕
至誠慙懼非欺衆邀名其後宰臣數上表請終不允

徐氏乾學曰神宗此舉可謂賢矣然非司馬光之疏
忠懇切至有以啟沃之於前則諛佞之言未有不為

之動者也蓋好談惡直人之常情倘神宗移用王安石之心以任光豈非宋室之令主哉

二年四月丁酉朔羣臣再上尊號不許 四年六月庚

申羣臣三上尊號曰紹天法古文武仁孝皇帝不許

七年七月癸卯羣臣五上尊號曰紹天憲古文武仁孝

皇帝不許 十年七月辛酉羣臣五上尊號曰奉天憲

古文武仁孝皇帝不許

元豐三年七月甲戌詔自今遇大禮罷上尊號

哲宗本紀元祐四年己丑詔自今大禮毋上尊號

蕙田案自神宗哲宗罷上尊號終宋之世未嘗舉行

右宋

遼史太祖本紀元年春正月即位羣臣上尊號曰天皇
帝后曰地皇后

神冊元年春二月丙戌朔上在龍化州德呼勒部額爾奇
木耶律赫魯等率百僚請上尊號三表乃允丙申羣臣及
諸屬國築壇州東上尊號曰大聖大明天皇帝后曰應

天大明地皇后大赦改元初闕地為壇得金鈴因名其地曰金鈴岡壇側滿林曰冊聖林

太宗本紀天顯元年十一月壬申御宣政殿羣臣上尊號曰嗣聖皇帝大赦

會同元年十一月丙寅皇帝御宣政殿劉煦盧重冊上尊號曰睿文神武法天啟運明德章信至道廣敬昭孝嗣聖皇帝大赦改元

穆宗本紀天祿五年九月丁卯即皇帝位羣臣上尊號

曰天順皇帝改元應歷 五年二月庚申漢遣使請上尊號不允

景宗本紀應歷十九年二月即皇帝位百官上尊號曰天贊皇帝大赦改元保寧

聖宗本紀乾亨四年九月癸丑即皇帝位時年十二皇后攝政十月己未朔帝始臨朝辛酉羣臣上尊號曰昭聖皇帝大赦

統和元年羣臣上皇帝尊號曰天輔皇帝 五年羣臣

上皇帝尊號曰至德廣孝昭聖天輔皇帝 二十三年

十月庚午羣臣上皇帝尊號曰至德廣孝昭聖天輔皇帝大赦

開泰元年十月甲子朔文武百官加上尊號曰弘文宣武尊道至德崇仁廣孝聰睿昭聖神贊天輔皇帝大赦改元 九年九月文武百僚奉表上尊號不許表三上廼從之

太平元年十一月癸未上御昭慶殿文武百僚奉冊上

尊號曰睿文英武尊道至德崇仁廣孝功成治定昭聖
神贊天輔皇帝大赦改元

興宗本紀太平十一年六月即皇帝位羣臣上皇帝尊
號曰文武仁聖昭孝皇帝大赦改元重熙

重熙十一年冬十一月丁亥羣臣加上尊號曰聰文聖
武英略神功睿哲仁孝皇帝冊蕭氏曰貞懿宣慈崇聖
皇后大赦 十二年高麗國以加上尊號遣使來賀

道宗本紀清寧二年十一月甲辰文武百僚上尊號曰

天祐皇帝后曰懿德皇后

咸雍元年春正月辛酉朔文武百僚加上尊號曰聖文神武全功大畧廣智聰仁睿孝天祐皇帝改元大赦

天祚帝本紀壽隆七年正月即位羣臣上尊號曰天祚皇帝二月改元乾統大赦三年十一月丙申文武百官加上尊號曰惠文智武聖孝天祚皇帝大赦

遼史禮志皇帝受冊儀前期一日尚舍奉御設幄於正殿北墉下南面設御坐奉禮郎設官僚客使幕次於

東西朝堂大樂令設宮懸於殿庭舉麾位在第二重西階上東向乘黃令陳車輅尚輦奉御陳輿輦尚舍奉御設解劍席於東西階設文官六品以上位橫街南東方西向武官五品已上位橫街南西方東向皆北上重行每等異位將士各勒所部六軍仗屯諸門金吾仗黃麾仗陳於殿庭至日押冊官引冊自西便門入置冊案西階上通事舍人引侍從班入就位侍中東階下解劍履上殿欄外俛伏跪奏中嚴下殿劍履復位立閣使西階

上殿欄外跪請木契西殿鞠躬奏奉勅喚仗殿中監少
監殿中丞等押金吾四色仗入位臣僚後協律郎入就
舉麾位符寶郎詣閣奉迎通事舍人引文官四品至六
品武官三品至五品就門外位皇帝御輦至宣德門宣
徽使押內諸司班起居引皇帝至閣服袞冕侍中東階
下解劍履上殿版奏外辨太常博士引太常卿太常卿
引帝內諸司出協律郎舉麾太樂令令撞黃鐘之鐘左
五鐘皆應工人鼓祝樂作皇帝即御坐宣徽使贊扇合

樂止贊簾捲扇開符寶即奉寶進左右金吾報平安通
事舍人引文官三品武官二品以上入門樂作就相向
位畢樂止通事舍人引侍從班南班文官三品武官二
品以上合班北向東班西上西班東上起居七拜分班
各復位通事舍人引押冊官押冊自西階下至丹墀當
殿置香案冊案置冊訖樂作就位樂止捧冊官近後東
西相對立舍人引侍從班并南班合班北向如初贊再
拜在位者皆再拜舞蹈五拜分班各復位如初捧冊官

就西階下解劍席解劍履捧冊西階上殿樂作置冊御
坐前東西立北向捧冊官西牖下立北上樂止讀冊官
出班當殿立贊再拜三呼萬歲就西階下解劍席解劍
履西階上殿欄內立當御坐前侍中取冊捧冊官捧冊
匣至讀冊官前跪相對捧冊讀冊官俛伏跪讀訖俛伏
興捧冊官跪左膝以冊授侍中侍中受冊以冊授執事
者降自西階劍履訖復當殿位贊再拜三呼萬歲復分
班位舍人引侍從班南班合班北向如初贊拜在位者

皆拜舞蹈鞠躬如初通事舍人引班首西階下解劍履
上殿樂作就欄內位樂止俛伏跪通全銜臣某等致詞
稱賀訖俛伏興降西階下帶劍納舄樂作復位樂止贊
拜在位者皆再拜舞蹈五拜鞠躬侍中臨軒西向稱有
制皆再拜侍中宣答訖贊皆再拜舞蹈五拜分班各復
位三品以上出樂作出門畢樂止侍中當御坐俛伏跪
通全銜奏禮畢俛伏興退東階下殿帶劍納履復位宣
徽使贊扇合下簾太常博士太常卿引皇帝起樂作至閣

樂止舍人引文官四品武官三品以下出門外分班立
次引侍從班出次兵部吏部出次金吾出次起居郎舍
人出次殿中監少監押金吾細仗出仍位臣僚後次東
西上閤門使於丹墀內鞠躬奏衙門無事捲班出閤門
使丹墀內鞠躬揖奏敕放仗出門外文武班中間立喚
承受官承受官聲喏至閤門使後鞠躬揖閤門使鞠躬
稱奉勅放仗承受聲喏鞠躬揖平身立引聲奉勅放仗
聲絕趨退文武合班再拜舍人一員攝詞令官殿前鞠

躬揖稱奉勅放黃麾仗出放金吾仗亦如之翼日文武臣僚入問聖躬

太平元年行此儀大畧遵唐晉舊儀又有上契丹冊儀以蘓爾威汗行柴冊禮合唐禮雜就之也又有上漢冊儀與此儀大同小異加以上寶儀耳

右遼

金史太祖本紀收國二年羣臣上尊號曰大聖皇帝
熙宗本紀皇統元年正月庚戌羣臣上尊號曰崇天體

道欽明文武聖德皇帝初御袞冕大赦改元十一月己酉高麗國賀受尊號十二月夏國賀受尊號

金史禮志受尊號儀 皇統元年正月二日太師宗幹率百僚上表請上皇帝尊號凡三請詔允七日遣上京留守奭告天地社稷析津尹宗強告太廟十日帝服袞冕御元和殿宗幹率百僚恭奉冊禮冊文云云臣等謹奉玉冊玉寶上尊號曰崇天體道欽明文武聖德皇帝是日皇帝改服通天冠宴二品以上官及高麗夏國使

十二日恭謝祖廟還御宣和門大赦改元大定七年恭
上皇帝尊號前三日遣使奏告天地宗廟社稷前二日
諸司停奏刑罰文字百官習儀於大安殿庭兵部帥其
屬設黃麾仗於大安殿門之内外宣徽使帥儀鸞司於
前一日設受御冊寶壇於大安殿中間又設御榻於壇
上又設冊寶幄次於大安殿門外及設皇太子幄次於
殿東廊又設羣官次於大安門外大樂令與協律郎前
一日設宮懸於殿庭又設登歌樂架於殿上立舞表於

殿下符寶郎即其日俟文武羣官入奉八寶置於御座左右候上寶冊訖復昇寶還所司其日質明奉冊太尉奉寶司徒讀冊中書令讀寶侍中以次應行事官並集於尚書省候冊寶興乘馬奉迎冊寶至應天門下馬由正門步導入至大安殿門外置冊寶於幄次昇冊寶牀弩手人等分立於左右文武羣官並朝服入次攝太常卿與大樂令帥工人入就位協律郎各就舉麾位昇冊寶案官由西偏門先入置案於殿東西間褥位置訖各

退於西階冊寶位後捧冊官捧寶官昇冊匣官昇寶盃
官由西偏門先入至殿西階下冊寶褥位之西東向立
俟閣門報通事舍人引攝侍中版奏中嚴訖典儀贊者
各就位閣門官引文武百僚分左右入於殿階下磚道
之東西相向立符寶郎奉八寶由西偏門分入升置殿
上東西間相向訖分左右立於寶後通事舍人引攝侍
中版奏外辦扇合服袞冕以出曲直華蓋侍衛警蹕如
儀殿上鳴鞭訖殿下亦鳴鞭初索扇協律郎跪俛伏興

舉麾工鼓祝奏乾寧之曲出自東房即座儀使副添香
爐烟升扇開簾捲協律郎偃麾戛鼓樂止太常博士通
事舍人自冊寶幄次分引冊太常卿前導吏部侍郎押
冊而行奉冊太尉讀冊中書令舉冊官於冊後以次從
之次太常博士通事舍人二員分引寶禮部侍郎押寶
而行奉寶司徒讀寶侍中舉寶官於寶後以次從之由
正門入宮縣奏歸美揚功之曲太常卿於冊牀前導至
第一墀香案南藉冊寶褥位上少置太常卿與舉冊寶

官退於冊寶稍西東向立博士舍人立於其後昇冊寶
牀努手繳子官等又於其後皆東向太尉司徒中書令
侍中皆於冊後面北以次立吏部侍郎禮部侍郎次立
於其後立定樂止閣門舍人分引東西兩班羣官合班
轉北向立中間少留班路俟立定太常博士通事舍人
四員分引太尉司徒中書令侍中吏部禮部侍郎以次
各復本班訖博士舍人退以俟初引時樂奏歸美揚功
之曲至位立定樂止典儀曰拜贊者承傳太尉以下應

在位官皆舞蹈五拜班首出班起居訖又贊再拜如朝
會常儀太常博士通事舍人四員再引太尉司徒中書
令侍中吏部禮部侍郎復進至冊寶所稍南立定昇冊
寶牀弩手繖子官並進前舉冊寶牀興太常博士通事
舍人二員分引冊太常卿前導吏部侍郎押冊而行奉
冊太尉讀冊中書令舉冊官於冊後以次從之冊初行
樂奏肅寧之曲次通事舍人太常博士又二員分引寶
禮部侍郎押寶而行奉寶司徒讀寶侍中舉寶官於寶

後以次從之詣西階下至冊寶褥位少置冊北寶南樂止舁冊寶牀弩手繖子官等退於後稍西東向立捧冊官與舁冊官並進前取冊匣升太常博士通事舍人分引冊太常卿側身導冊先升奉冊太尉讀冊中書令舉冊官捧冊官於冊後以次從升冊初行樂奏肅寧之曲進至殿上博士舍人分左右於前楹立以俟讀冊中書令於欄子外前楹稍西立以俟舉冊官捧冊官立於其後奉冊太尉從升至褥位搢笏少前跪置訖執笏俛伏

興樂止退於前楹稍西立以俟太常博士立於後太常卿少退東向立舁冊官立於其後皆東向捧冊官先入舉冊官次入讀冊中書令又次入捧冊官四員皆搢笏雙跪捧舉冊官二員亦搢笏兩邊單跪對舉中書令執笏進跪稱中書令臣某讀冊讀訖俛伏興中書令俟冊興先退通事舍人引降自東階復本班訖太常卿降復寶牀前舁冊官並進與捧冊官等取冊匣興置於殿東間褥位案上西向捧舉冊官等降自東階還本班舁冊

官亦退太常博士引奉冊太尉降自西階東向立以俟
次捧寶官與舁寶官俟讀冊中書令讀訖出並進前取
寶盃升太常博士通事舍人分引寶太常卿側身導寶
先升奉寶司徒讀寶侍中舉寶官捧寶官於寶後以次
從升寶初行樂奏肅寧之曲進至殿上博士舍人俱退
不升並於前楹稍西立俟讀寶侍中於欄子外前楹間
稍西立以俟舉寶官捧寶官立於其後奉寶司徒從升
至褥位播笏少前跪置訖執笏俛伏興樂止司徒退於

前楹西立以俟太常卿少退東向立舁寶官立於其後
皆東向捧寶官先入舉寶官次入讀寶侍中又次入捧
寶官四員皆搢笏雙跪捧舉寶官二員亦搢笏兩邊單
跪對舉侍中執笏進跪稱侍中臣某讀寶讀訖俛伏興
侍中俟寶興先退通事舍人引降自西階復本班訖舁
寶官進前與捧寶舉寶官等取寶盞興置於殿之西間
褥位案上東向捧寶舉寶官等與太常卿俱降自西階
及吏部侍郎皆復本班舁寶官亦退太常博士引奉寶

司徒次奉冊太尉東向立定博士舍人贊引太尉司徒
進詣第一墀香案南褥位立定博士舍人稍退典儀曰
拜贊者承傳在位官皆再拜訖博士舍人二員引太尉
詣東階升宮縣奏純成享上之曲至階止閤門使二員
引太尉進至前立定樂止閤門使揖贊太尉拜跪賀殿
下閤門揖百僚躬身太尉稱文武百僚具官臣等言致
賀詞云云俛伏興退至階下博士舍人分引太尉降自
東階初降宮縣作肅寧之曲復香案南褥位立定樂止

博士舍人少退典儀曰拜贊者承傳太尉司徒及在位
羣官俱再拜舞蹈三稱萬歲又再拜訖通事舍人引攝
侍中升自東階進詣前楹間躬承旨退臨階西向稱有
制典儀曰拜贊者承傳太尉司徒及在位羣官俱再拜
躬身宣詞云云宣訖通事舍人引侍中還位典儀曰拜
贊者承傳階上下應在位羣官俱再拜舞蹈三稱萬歲
又再拜訖博士舍人分引太尉司徒就百僚位初引宮
縣作肅寧之曲至位立定樂止閤門舍人分引應北面

位羣官各分班東西相向立定通事舍人引攝侍中升
自東階當前楹間跪奏禮畢俛伏興引降還位扇合簾
降協律郎俛伏興舉麾工鼓祝奏乾寧之曲降座入自
東房還後閣進膳侍衛警蹕如儀扇開樂止捧冊官帥
舁冊牀人捧寶官帥舁寶牀人皆升殿取匣盞盞訖置
於牀前引進司官前導通事舍人贊引詣東上閣門上
進通事舍人分引文武百僚等以次出歸幕次賜食以
俟上壽上冊寶禮畢有司供辦御牀及與宴羣臣位並

如曲宴儀攝太常卿與太樂令帥宮人入并協律郎各就舉麾位俟舍人報通事舍人引三師以下文武百僚親王宗室等分左右入至殿階下稍南東西相向立通事舍人先引攝侍中版奏中嚴少頃又奏外辦扇合鳴鞭協律郎跪俛伏興工鼓祝官縣奏乾寧之曲服通天冠絳紗袍即座簾捲內侍贊扇開殿上下鳴鞭曼啟樂止儀使副等添香爐烟升通事舍人引班首以下合班樂奏肅寧之曲至北向位重行立定中間少留班路通

事舍人引攝侍中詣東階升至殿上少立閤門舍人引禮部尚書出班前北向俛伏跪奏稱禮部尚書臣某言請允羣臣上壽俛伏興躬身通事舍人引攝侍中少退舍人贊禮部尚書再拜訖贊祗候復本班內侍局進御牀入次良醞令於殿下橫街南酌酒訖典儀曰拜贊者承傳在位官皆再拜隨拜三稱萬歲訖平立太常博士通事舍人分引攝上公由東階升初升宮縣奏肅寧之曲殿上舍人少退二閤使揖上公進至進酒褥位樂止

宣徽使以爵授上公上公措笏受爵詣榻前跪進受爵
訖上公執槃授宣徽使訖二閣使揖上公入欄子內贊
拜跪殿下閣門揖百僚皆躬身通事舍人揖攝侍中進
詣前楹間躬承旨退臨階西向稱有制典儀曰拜贊者
承傳上公及在位羣官皆再拜隨拜三稱萬歲訖躬身
宣曰得公等壽酒與公等內外同慶閣門舍人贊宣諭
訖上公與百僚皆舞蹈五拜訖閣門舍人引百僚分班
東西序北向立博士舍人再引上公自東階升宮縣奏

肅寧之曲至進酒褥位樂止上公搢笏宣徽使授上公
槃上公詣欄子內褥位跪舉酒宮縣奏景命萬年之曲
飲訖上公進受虛爵訖復褥位以爵授宣徽使訖二閣
使揖上公退內侍局昇御牀出博士舍人並進前分引
降自東階宮縣作肅寧之曲閣門舍人分引東西兩班
隨上公俱復北向位立定樂止典儀曰拜贊者承傳在
位官皆再拜三稱萬歲訖平立殿上通事舍人揖攝侍
中進詣前楹間躬承旨退臨階西向閣門官先揖百僚

躬身侍中稱有制典儀曰拜贊者承傳在位官皆再拜
訖躬身宣曰延王公等升殿典儀曰拜贊者承傳在位
官皆再拜訖播笏舞蹈又再拜訖太常博士通事舍人
引王公以下合赴宴羣臣分左右升殿不與宴羣臣分
左右捲班出宮縣奏肅寧之曲百僚至殿上座後立樂
止內侍局進御牀入依尋常宴會再進第一爵酒登歌
奏聖德昭明之曲飲訖樂止執事者行羣臣酒宮縣作
肅寧之曲文舞入觴行一周樂止尚食局進食執事者

設羣官食宮縣奏保大定功之舞三成止出又進第二
爵酒登歌奏天贊堯齡之曲飲訖樂止執事者行羣官
酒宮縣作肅寧之曲武舞入觴行一周樂止尚食局進
食執事者設羣官食宮縣奏萬國來同之舞三成止出
又進第三爵酒登歌奏慶雲之曲飲訖樂止執事者行
羣官酒宮縣作肅寧之曲觴行一周樂止尚食局進食
執事者設羣官食宮縣奏肅寧之曲食畢樂止閤門官
分揖侍宴羣臣起立於席後通事舍人引攝侍中詣榻

前俛伏興跪奏侍中臣某言禮畢俛伏興閤門舍人分引羣官俱降東西階內侍局昇御牀出宮縣作肅寧之曲至北向位立定樂止典儀曰拜贊者承傳在位官皆再拜訖搯笏舞蹈又再拜訖再分班東西序立扇合簾降殿上下鳴鞭協律郎俛伏跪舉麾興工鼓柷奏乾寧之曲降座入自東房還後閤侍衛如來儀內侍贊扇開憂敬樂止通事舍人引攝侍中版奏解嚴所司承旨放仗在位羣官皆再拜以次出

廢帝海陵本紀天德二年二月戊辰羣臣上尊號曰法
天膺運睿武宣文大明聖孝皇帝七月戊戌夏國遣使
賀即位及受尊號十二月癸卯朔詔去羣臣所上尊號
正隆元年正月己酉羣臣奉上尊號曰聖文神武皇帝
二年三月高麗遣使賀受尊號

世宗本紀大定元年十一月甲申羣臣上尊號曰仁明
聖孝皇帝 三年十一月庚戌百官請上尊號不允
四年三月壬寅百官復請上尊號不允 五年三月壬

申羣臣奉上尊號曰應天興祚仁德聖孝皇帝八月癸巳宋夏遣使賀尊號十二月高麗遣使賀尊號七年正月壬子上服袞冕御大安殿受尊號冊寶禮十一年十一月羣臣奉上尊號曰應天興祚欽文廣武仁德聖孝皇帝乙未詔中外

章宗本紀明昌四年夏四月自己亥至癸卯百官三表請上尊號上曰祖宗古先有受尊號者蓋有其德故有其名比年五穀不登百姓流離正當戒懼修身之日豈

得虛受榮名耶不許仍斷來章八月己亥樞密使襄帥
百僚再請上尊號不許十月庚寅右丞相瓜爾濟清臣等
表請上尊號不允壬寅右丞相清臣復請上尊號國子
祭酒劉璣亦率六學諸生上表陳請不允甲子親王百
官各奉表上尊號不允四年三月庚午親王百官請
上尊號不允

蕙田案章宗堅却尊號與宋神宗同然神宗
尚有司馬溫公之諫章宗則內斷於心不為

衆論所動難也

右金

元史太祖本紀元年即皇帝位諸王羣臣共上尊號曰
青吉斯皇帝

世祖本紀中統二十一年正月乙卯帝御大明殿右丞
相和爾郭遜率百官奉玉冊玉寶上尊號曰憲天述道
仁文義武大光孝皇帝諸王百官朝賀如朔旦儀赦天
下

武宗本紀至大二年正月辛卯皇太子諸王百官上尊
號曰統天繼聖欽文英武大章孝皇帝乙未恭謝太廟
丙申詔天下

英宗本紀至治元年十一月戊寅御大明殿羣臣上尊
號曰繼天體道敬文神武大昭孝皇帝己卯以受尊號
詔天下

文宗本紀至順元年五月戊午帝御大明殿雅克特穆爾
率文武百官及僧道耆老奉玉冊玉寶上尊號曰欽天

統聖至德誠功大文孝皇帝是日改元至順詔天下

蕙田案元上尊號凡五太祖以登極文宗以改元餘皆不審所以大概習為常事非甚盛舉故世祖尚有大赦武宗後僅詔天下而已

元史禮樂志羣臣上皇帝尊號禮成受朝賀儀 前期二日儀鸞司設大次於大明門外又設進冊案於殿內御座前之西進寶案於其東設受冊案於御座上之西受寶案於其東侍儀司設冊案於香案南寶案又於其

南禮儀使位於前冊使冊副位於庭中北面引冊奉冊
舉冊讀冊捧冊官位於右引寶奉寶舉寶捧寶讀寶官
位於左以北為上百官自金玉府迎冊寶奉安中書省
如常儀前期一日右丞相率公卿朝服儀衛音樂導冊
寶二案出自中書至闕前控鶴莫案方輿中道冊使等
奉隨入大次內方輿莫案侍儀使引冊使以下由左門
以出百官趨退至期大昕右丞相以下百官各公服集
闕廷儀仗護尉就位侍儀使禮儀使引導從導皇帝升

大明殿引進使引導從導皇后升殿尚引引殿前班入起居位起居山呼拜舞畢宣贊唱曰各恭事太子諸王后妃公主以次升殿鳴鞭三侍儀使引冊引寶導冊寶由正門入樂作奉冊使右丞相率冊官由右門入奉寶使御史大夫率寶官由左門入至殿下置冊案於香案南寶案又奠於其南樂止侍儀使引冊使以下就起居位典引引羣臣入就位通班舍人唱曰文武百僚具官臣某以下起居典引贊曰鞠躬曰平身引至丹墀拜位

宣贊唱曰拜通贊贊拜舞蹈山呼如常儀畢承奉班都
知唱曰奉冊使以下進上冊寶侍儀司引冊使以下進
就位樂作掌儀贊曰奉冊寶官稍前播笏捧冊寶侍儀
使前導由中道升正階立字下俟奉冊使諸冊官由右
階躋奉寶使諸寶官由左階躋畢俱由左門入奉冊寶
至御榻褥位前冊西寶東樂止掌儀贊曰捧冊寶官稍
前以冊寶跪置於案曰出笏曰就拜曰興曰平身曰復
位曰奉冊使以下皆跪曰舉冊官興俱至案前跪曰播

笏取冊於匣置於盤對舉曰讀冊官興俱至案前跪曰
讀冊讀冊官稱臣某謹讀冊讀畢舉冊官納冊於匣興
以授典瑞使出笏立於冊案西南典瑞使置於受冊案
掌儀贊曰舉寶官興俱至案前跪曰搢笏取寶於盥對
舉曰讀寶官興俱至案前跪曰讀寶讀寶官稱臣某謹
讀寶讀畢舉寶官納寶於盥興以授典瑞使出笏立於
寶案東南典瑞使置於受寶案掌儀贊曰奉冊使以下
皆就拜曰興曰平身叅議中書省事四人以篚奉詔書

由殿左門入至御榻前跪讀詔文如常儀授典瑞使押
寶畢置於篚對舉由正門出至丹墀北置於詔案冊使
以下由南東門出就位聽詔如儀儀鸞使四人舁進冊
寶案由左門出侍儀使引班首由左階躋前行樂作至
宇下樂止舞旋至露階立班首入殿宣徽使奉隨班首
跪宣徽使西北向立班首致詞曰冊寶禮畢願上皇帝
皇后萬萬歲壽宣徽使應曰如所祝樂作通贊唱曰分
班進酒畢班首由南東門出降階復位樂作通贊唱曰

合班奉進表章禮物贊拜舞蹈山呼錫宴並如元正之
儀

右元



五禮通考卷一百三十